

四庫全書

史部

欽定四庫全書

史部

景定建康志卷二十七

詳校官監察御史 沈孫璉

檢討 臣 德生 覆勘

總校官檢討 臣 何思鈞

校對官中書 臣 張曾炳

謄錄監生 臣 史殿榮

欽定四庫全書

景定建康志卷二十七

宋

周應合

撰

官守志四

諸縣令

上元縣廳壁記秣陵治上元江寧兩縣明道先生嘗
主上元簿攝行令事均稅聽訟挈其民於敬讓視事
真令等風荷瞬息久申閭播流至今於是地靈光燄
旁在莫與京吾里曹君之格隨牒賦邑適得此百里

地引領想像如先生復出率職迪誼捐身相民囊吏
攬為市廩欺賦租類足為民病銳意切洞究根原緩
民急吏經界法不行詭蔽寄挾釀詐萬端昧旦坐聽
事揆賦輿所當輸簿正以差戶稅一境頌平兩競在
庭不下席亟決亡何險健退聽事寢省狴圉屢空則
以餘暇定傾換蝨若亭若堂錯絡近遠門皇吏舍悉
趨堅良合亡慮屋百楹縣無他羨飭材度費皆已出
向以銅章刊為縣闕典前閱令長置莫問歲亦云屢

亟上之府從朝廷更鑄下之縣事復有小於印章者
君無不疏理安植之念且終更踐遣信重趺來請記
蓋環百里為縣聚民萬室欣戚恬愉我手繫豈徒以
執灋制商功利趣了朝暮哉今之健有決者徒曰縣
負我以力勝民惟恐不至顧有詳考而深思以今準
昔如君行縣事以休吾民者不自意迺獲見只君立
扁識壁跂而竦俛而悟想雖一草一木直欲護惜如
存先生固謂縣之政可達於天下則揭之政達以名

吾堂先生固謂存心愛物利未有不及人則揭之存
愛以名吾亭先生之道之化吾周夫子之道之化也
則又惟夫子愛蓮有說而揭之同愛以名吾傍池之
滬之亭正使扁折攘夷道固在也惕若有懷因其嘗
任此而表厲尊顯之抑以明尚賢治俗之本首云爾
此不足書若何而書寶祐乙卯日南至朝議大夫集
英殿修撰提舉建寧府武夷山冲祐觀江萬里記
縣有令所以行君之令致之民也君有令焉自朝廷

至於部刺史部刺史以尺紙付州州易尺紙嚴期會
付縣縣窮矣盤錯倥偬為庶事責成之地故其任為
難建康東南一都會管鑰所繫視他邦為重而所隸
邑五上元在城邑也府故事于下而吾邑先焉故視
他邑為尤難紹興辛巳贊皇李闢之來宰是邑闡明
強敏游刃有餘理未幾敵賊淮瞰江朝廷大為守備
已而黃屋勞軍公廬于江壩董民兵察營砦所宜植
嚴烽燧謹糧餼而又經理千乘萬騎百司庶府之所

須幬帟餼廩薪金之屬無一不備首以辦理聞聖天子召而見焉奏章愷切深中時病於是皆頌公非特長於材而達於事宜不如此也一日謂却曰前未嘗刻石紀令名氏追而求之蓋十數歲以往則亡之矣自紹興以來得十二人將書其到罷歲月使來者有攷焉子其為我記之却負丞是邑久與公周旋辭不獲乃刻于茲石紹興三十二年四月初八日右承事郎知建康府上元縣丞主管學事葛却記 寶慶續

題名記建業今之別都釐為屬邑者五邑居帥守治所者二其最大而且壯者上元是已夫麟符重寄例畀近臣位貌穹崇弗與列郡等以墨綬吏晨夕從事乎其前曾弗獲肆志展布而所治之地又壯而大焉信乎其勝任之難矣前後莅茲邑者往往皆自度其材而後授是以居焉而多可紀去焉而多見思舊有豐碑具載名氏自紹興以迄嘉定班班可攷今令尹趙公時僑向留守大帥觀文彥逾之孫也觀文之去

是邦垂三十載民懷其德如一日然眷眷名棠弗忍
翦伐况覩其象賢乎惟公挺有祖風律已以廉臨民
以公不嚴而威令行不擾而催科辦撫字之暇百廢
具飭治事有廳向者圯而今更創焉退食有堂向者
陋而今增敞焉且又闢後圃營新亭自非邑事整裕
何以及此再考云邇瓜代有期顧瞻題名之碣鐫勒
已遍命工更造載續前記迺屬文舉為之文既忝寮
竊親目善政其敢以蕪陋辭噫嘻當新天地子龍飛之

初元而刻諸堅珉以親賢標的孝居其首煥乎躋哉
然公之意非欲以是自耀也周而復始適惟其時繼
自今弦歌于茲者皆得以揭名乎其上是亦有補于
將來云爾要之毀譽之公久而後見異時邑中耆老
覩其名思其人感遺愛於無窮播休聲于不泯必如
是則大書特書可無愧矣來者其鑒諸寶慶元年立
春日朝奉郎簽書建康軍節度判官廳公事賜緋魚
袋劍津鄧文舉謹記

徐端輔

右朝奉郎紹興二年七月內到任

蔣閣祖

右宣義郎紹興四年四月內到任

趙丕化

右朝奉郎紹興五年三月內到任

曾恢

右宣義郎紹興六年五月內到任

吳樞

右朝奉郎紹興十年二月內到任

吳芑

右宣義郎紹興十三年三月初三日到任

許頌

右承議郎紹興十三年十一月初二日到任至十六年十二月十六日任滿

胡廷直

右通直郎紹興十六年二月初七日到任至二十年二月初七日任滿

馮和叔

右承事郎紹興二十年二月初七日
到任至二十三年五月初四日任滿

黃霖

右通直郎紹興二十三年五月初四日
到任至二十六年五月初十日任滿

許宦

右承事郎紹興二十六年五月初十日
到任至二十七年二月四日改差監潭州南嶽廟

滕謹

右奉議郎紹興二十七年十月二十日
到任至三十一年三月十七日任滿

李闢之

右通直郎紹興三十一年三月十七日
到任至隆興二年四月十六日任滿

李允升

右從政郎隆興二年四月十六日到
任至乾道二年四月二十七日罷

魏揖

右宣教郎乾道二年九月初一日到任
至五年九月十九日被旨都堂審察

方廷瑞

右承議郎乾道五年十月三十日到
任乾道九年四月二十八日任滿

蘇園

通直郎乾道九年四月二十八日到任淳熙二年三月八日任滿

趙公崇

通直郎淳熙二年三月初九日到任至淳熙四年四月十九日任滿

薛襄

通直郎淳熙四年四月十九日到任六年五月二十七日任滿

趙伯晟

奉議郎淳熙六年五月二十七日到任至九年六月二十七日任滿

冷世修

宣教郎淳熙九年六月初九日到任至十二年七月初九日任滿

鄭若容

奉議郎淳熙十二年七月初十日到任至十五年八月一日任滿

王允蹈

宣教郎淳熙十五年八月初二日到任至紹熙二年八月十九日任滿

姜楷

奉議郎紹熙二年八月二十日到任至五年八月二十七日任滿

程阜

奉議郎紹熙五年八月初九日到任至慶元元年十一月初九日請急難假離任

方楷

景祐初釋褐歷三任以攷課遷衛尉寺丞知江寧府上元縣嘗親獲羣盜不干賞曰吾縣

令為天子舉職爾功何有哉歐陽文忠公有送方希則序期待甚厚蓋贈公也其後乾道

丙戌公之曾孫諱滋以敷文閣待制居守金陵又三十年五世孫叔恭復四試邑而題名

偶失記載到罷月日當在慶厯皇祐間姑摭大略附于左方

方叔恭

奉議郎慶元二年三月二十五日到任至五年四月十二日任滿

莫柯

奉議郎慶元五年四月十三日到任

鄭緝

宣教郎嘉泰二年五月初三日到任

扈下 奉議郎開禧元年五月二十日到任

趙希蒼 通直郎開禧元年閏八月初九日到任至二年十一月二十三改差制機

史復祖 宣教郎開禧三年三月初四日到任至嘉定二年五月初四日任滿

戴緊 承議郎嘉定二年五月初四日到任

柳說 宣教郎嘉定四年二月初九日到任至七年六月初九日任滿

洪圭 奉議郎嘉定七年六月初九日到任至十年八月初三日任滿

司馬述 宣教郎嘉定十年八月初三日到任至十二年八月二十七日改寧海軍簽判

葉宰 宣教郎嘉定十二年十月初九日到任至十五年十一月初九日任滿

趙時僑

嘉定十五年十一月初九日到任
至寶慶元年十一月十八日任滿

趙崇健

宣教郎寶慶元年十一月十八日到
任至三年十一月二十四日任滿

奚撫

通直郎寶慶三年十一月二十四日到
任至紹定三年十二月二十日任滿

錢逢

通直郎紹定三年十二月二十一日
到任至六年十二月二十日任滿

樓淮

奉議郎端平元年二月初六日到
任至嘉熙元年四月十三日任滿

豐雲昭

通直郎嘉熙元年四月十三日以句容兩
易到任至二年十二月十四日改通判建

康府

戴宗昭

奉議郎嘉熙二年十二月十四日到任
至三年十二月十九日改通判建康府

蔣孝參

奉議郎嘉熙四年二月初二日到任

譚谷

宣教郎嘉熙四年六月十六日到任淳祐二年四月十五日沿江制司劄隨司解任

陳夢高

奉議郎淳祐二年四月二十八日到任至五年七月二十四日任滿

趙若琬

宣教郎淳祐五年七月二十四日到任

王日

通直郎淳祐七年十月十五日到任至十年十月二十日任滿

陶夢桂

淳祐十年十月二十四日到任

曹之格

承事郎淳祐十二年十月初八日到任寶祐元年二月轉宣義郎二年閏六月轉宣

教郎三年五月內申省部給下新鑄印一顆以上元縣印為文當年十二月差通判無為

軍

陳寅

宣教郎寶祐三年十一月初八日到任至六年十二月望日任滿

許鑰

通直郎寶祐六年十二月望日到任至景定元年五月改添差通判臨安軍府事

鍾蜚英

奉議郎景定元年八月到任

江寧縣蘇魏公頌作題名記云縣令題名舊無其傳
頌始到職以非便民先急之務而未遑經營也一日
鄉民有訟田者辭逮數室咸造于庭紛辨交爭初莫
能決訊其劑約則曰亡之矣訊其移受之始曰不能

記矣所能言者某令時接某事至某之鄰鄉實某祖受田立籍之歲也縣有版籍蓋載之矣因求其令在事之年而邑之胥吏皆無能言者乃為之捃摭數十年簿書始見其令之官氏閱其籍果得訟田者之祖名具載某地數而侵冒者乃誦頌於是歎曰昔之居官者去而留名氏紀歲月於府寺豈特好事者為之哉是亦有謂爾斯獄也以令之官氏乃得致訟之歲月因版籍而後知民之情偽版籍雖具而民不能言

其歲月縣令雖去而民猶能言其為治之迹是令去而題名於後不為無益於治理也於是條次前令官稱姓名起開寶李氏去國郡邑歸職方始命王官迄茲慶歷六年凡七十載歷三十八令而拙者繼焉因命礮石紀其交承之次第龕於聽事之壁間非唯記乎歲月而已又念夫居事職者坐廣居享豐祿假天子威刑案籍以莅政事其不能厘體以督簿書之務平心以待生齒之訟殆非朝廷所以建官分職之意

也矧在是邑密負大府號為望縣其地之廣袤百里
有畸編戶逾二萬而開年逋逃未復者且千齒倍戶
有半而隸名于力役胥徒者幾三十之一其賦徭之
重輕資貨之移用兼井之強弱紛爭之是非蓋日有
焉一繫乎長人者之決之也苟失其當民實受弊任
治者得不為之用心哉故予因紀年而又論政又書
其命事之由于左方將以告于民官庶幾悉意民務
毋俾其人曰某令者治某事而非是我將何告焉姑

待來者聽治之非唯警于來者抑將以自警焉則日
升斯堂而受訴牒舉而視之曰前日某事其人稱某
令之不治則予之弊事是必將審覆其詞而求索其
情亦冀臻夫理而少紓其責也 淳熙壁記古者記
事繫日月此官治壁記之所由設歟詎非古耶自記
則媚已代作則媚人或謂春秋之旨於是委地固也
其欲述治道別賢不肖以訓于後則誰宜為亦必詔
興廢列姓氏而止耳江寧名縣肇晉太康辛丑歷宋

齊梁陳隋唐五季六百四十有五禩為我朝天禧二
年迺用此名建府中間縣名之廢易不一中興以來
行殿所居物衆事劇為令滋不輕歷陽張君伯子實
來既三載得令姓名歲月日斷自樂君迄于今二十
二人刻石陷置官治之壁記事之意於是乎在噫設
官以為民通于上下於民尤近其孰易令今江寧有
令閱歲逾七百其人幾何居此有紀進此有由而姓
氏有傳寥寥也仰俯之際誰其無志於斯苟志於斯

民且得職而令不與焉則吾不知而其傳與否又不
係夫壁記之有無也然雕屏銘几殆弗章乎君屬叙
其顏敬為之書伯子名孝伯淳熙甲辰日南至同郡
龔敦頤記 紹定壁記江寧廳事舊有壁記創於淳
熙之甲辰既久鐫題殆遍寶慶三年夏建安劉君來
越歲政成遂刻石以續于左金陵帝王州江寧為赤
邑按前記行殿所居物衆事劇為令滋不輕時沿江
未置司也自制府宏開應醻調遣於是滋繁則為令

者毋乃尤不輕於前日乎責愈重任此責愈難今迺
闕而不續則前乎此其間有賢且材者或不得以著
其名氏而後乎此將以觀其人之賢且材而無所證
則壁記果可以闕而不續乎是記也非徒記歲月云
爾某人以某年某月至而某年某月之邑事理歟民
無擾歟則人必曰某人果賢且材矣天下有公是非
人心有公好惡繼是為令者將莫不奮焉以賢且材
者自期而使後之視今猶今之視前也然則江寧之

民不其愈多幸歟此君之所甚望也此壁記之所以
續也君名廔尚書文簡公之子其為政豈弟慈祥不
擾而事辦制府以其賢聞諸朝俾兼幕府云紹定己
丑九月既望宣教郎行國子正董洪記

樂

關

朝請郎紹興
元年到任

朱舉直

修職郎紹興
三年到任

盛瑞

宣教郎紹興
六年到任

張昌

奉議郎紹興
九年到任

臧梓

宣教郎 紹興十一年到任

荀紳

奉議郎 紹興十二年到任

葉義問

宣教郎

曾諱

朝奉郎

姚劬

宣教郎

竇安國

右承事郎 紹興二十年九月初九日到任 至二十三年九月二十四日任滿

曾浩

右朝奉郎 紹興二十三年九月初九日到任 至二十六年十月初九日任滿

洪筮

左承議郎 紹興二十六年十月初十日到任 至二十九年十月二十七日任滿

陳希平

右宣教郎紹興二十九年十月二十八日到任至三十二年正月致仕

喻仲遠

左宣教郎紹興三十二年四月十三日到任六月四日致仕

張椿

右從事郎紹興三十二年九月二十九日到任隆興元年十月改差四川制司幹官

趙彥恂

左宣教郎隆興二年三月十七日到任乾道二年八月十五日成資

陳崑

右宣教郎乾道二年十二月二十四日到任至四年七月內罷

何作善

右宣教郎乾道四年十月十七日到任至八年四月十九日任滿

葛鄂

右奉議郎乾道八年四月二十日到任至淳熙元年七月十八日任滿

趙伯渙

宣教郎淳熙元年七月十九日到任至三年七月二十日任滿

章調通直郎淳熙三年七月初三日任滿

趙善興奉議郎淳熙五年十月初四日到任至九年正月十九日任滿

張孝伯奉議郎淳熙九年正月初四日到任至十二年二月初四日任滿

曾炎通直郎淳熙十二年二月初五日到任至十五年二月二十三日任滿

虞汝翼承議郎淳熙十五年二月初八日丁憂日到任至十二月初八日

裘揚祖宣教郎淳熙十六年四月二十三日任至紹熙三年五月三日任滿

陸峻承議郎紹熙三年五月四日到任至慶元元年十月十二日任滿

劉履忠奉議郎慶元元年十月十三日到任至四年十月二十三日任滿

于倬通直郎慶元四年十月二十四日到任至嘉泰元年十一月二十七日任滿

楊九鼎通直郎嘉泰元年十一月二十八日到任至四年七月二十四日丁憂

何中寔嘉泰四年十一月初七日到任至開禧二年七月宣劄權廬州通判

馮必大開禧三年五月初一日到任至嘉定元年五月二十五日致仕

潘頹宣教郎嘉定元年九月初八日丁憂到任至二年九月初八日

徐龜年宣教郎嘉定三年正月初一日到任至六年正月改監建康府權貨務都茶場

胡林卿宣教郎嘉定六年二月十九日到任至九年四月十六日任滿

莫光朝宣教郎嘉定九年四月十七日到任至十年十一月十七日致仕

王大臨 宣教郎 嘉定十一年四月初五日 到任 至十四年四月初十日任滿

季端誼 宣教郎 嘉定十四年四月十一日到任 至十七年四月二十一日任滿

潘子高 宣教郎 嘉定十七年五月初十日到任 至寶慶三年五月初九日任滿

劉垕 奉議郎 寶慶三年五月初十日到任 至紹定三年六月初八日任滿

陸衍 朝奉郎 紹定三年六月九日到任 至六年六月十日任滿

周大昌 通直郎 紹定六年六月十一日到任 至端平三年七月二十八日任滿

惠孔時 宣教郎 端平三年十月十七日到任 至嘉熙二年八月任滿

王圭 通直郎 嘉熙二年八月初六日到任 至淳祐元年九月二十七日任滿

趙與稀

奉議郎淳祐元年九月二十八日到任至四年十一月十六日任滿

錢謙孫

通直郎淳祐四年十一月十六日到任至七年十二月初三日辟滁州通判

趙崇鏐

宣教郎淳祐七年十二月初三日到任至八年六月十六日丁憂

孫梓

宣教郎淳祐八年八月初一日到任至十年八月初二日致仕

曹庭褒

奉議郎淳祐十年八月初三日到任至寶祐元年八月七日任滿

趙崇端

奉議郎寶祐元年八月初十日到任至三年十二月十日致仕

葉信厚

宣教郎寶祐三年十二月二十四日到任至四年十月六日避親離任

趙希璣

宣教郎寶祐五年正月初五日到任至六年十一月丁父憂

林暉

宣教郎開慶元年四月二十七日到任

王鏜

宣教郎景定元年三月二十七日到任

句容縣壁記句容為邑甚古自漢以來令長不知幾何人江左號近畿三品佳邑選用尤重而姓名傳者蓋寡間有著之史冊見于碑版僅可以一二數當世鉅人長德亦豈無嘗宰是邑而不為赫赫名者傳記所略泯然無聞然則題名蓋不可闕已國朝建炎之後舊記不存隆興初岑君人宏乃為立石得晉以下

六人元豐中一人建炎以後十有三人未幾其石斷而弃之敏德至邑再暮始得其托本因重加搜訪而無載籍可攷始求之石章諮之故老又得前代五人太平興國至宣和八人自岑君以降又七人而至于敏德於是礮石刻之聽事繼自今其有攷矣若其遺闕猶有望於後之君子淳熙十五年正月二日承議郎知縣事姑蘇黃敏德記

劉超

晉人

孫謙

宋人

顏繼祖 宋人

買希鏡 齊人

周洽 齊人

楊延嘉 唐人

岑植 唐人

王昕 唐人

李哲 唐人

呂倕 唐人

邵金邁 偽吳人

韓繼閔 南唐人

查文直 南唐人

王玄 南唐人

宋籍 太平興國三年
以下並本朝

馬莊 將仕郎守
大理評事

曹從壽 咸平四年

祖岳 咸平四年

方峻 朝奉郎太常博士
皇祐元年
丘濬 景德中衛尉寺丞
知縣補築占星臺

袁穀 熙寧十年
葉表 將仕郎秘書丞
元豐二年四月

真元弼 宣德郎
元豐五年
游冠卿 承議郎
元祐二年

杜紹 承奉郎武騎尉兼
崇禧觀紹聖中
滕及 通直郎
崇寧元年

李琳 奉議郎
宣和五年
董莘

馬仲宣 朝奉郎尚書員
外郎政和中
黃唐傅 政和八年

劉子侑 右承議郎
紹興三年
孫時升

劉識
范振 紹興七年

鄒惟敘

右承議郎
紹興十年

宗夔

右承事郎
紹興十三年

湯遐年

右承奉郎
紹興十七年

陳孝逸

右宣教郎
紹興二十年

龔濤

紹興二十四年

趙不怯

紹興二十六年

胡維

紹興二十八年

施興祖

紹興三十年

范白

左奉議郎
紹興三十二年

岑又宏

右奉議郎
隆興元年

葛邠

通直郎
乾道四年

慕容邦用

乾道七年

陳文琥

右宣教郎
乾道八年

朱光弼

淳熙元年

趙善言

承議郎
淳熙三年

俞洞

宣教郎
淳熙七年

向溉 奉議郎
淳熙十年

黃敏德 承議郎
淳熙十四年

孟益 淳熙十六年

張斗南 承議郎
紹熙元年

葉謙之 紹熙三年

錢師元 奉議郎
慶元元年

趙時侃 承務郎
慶元四年

齊礪 朝奉郎
嘉泰元年

江公亮 通直郎
嘉泰四年

朱拱臣 奉議郎
開禧三年

孫乾曜 承議郎
嘉定四年

魏熹 通直郎
嘉定七年

趙希奭 承奉郎
嘉定十年

施沆 通直郎
嘉定十三年

王通 奉議郎
嘉定十六年

張侶 通直郎
寶慶二年

丁宗魏

紹定二年六月十八日到任

吳淇

紹定三年四月初十日到任
六年六月二十六日滿

趙熙

紹定六年六月初十日到任
端平三年十月初十日滿

豐雲昭

端平三年十月十一日到任
嘉熙元年四月十三日兩易上元知縣

王之經

嘉熙元年四月十四日到任

蔡暮

嘉熙三年九月二十二日到任
淳祐二年正月初八日滿

丁埴

淳祐二年正月九日到任

張渠

淳祐五年三月初二日到任

趙汝學 淳祐八年二月十二日到任
十一年三月初八日任滿

吳衍 淳祐十一年三月初九日到任

惠昌 寶祐元年六月十一日到任

趙孟銑 寶祐二年四月二十八日到任
三年正月初三日除大理評事

奚李虎 寶祐三年四月十七日到任

趙汝楷 宣教郎寶祐六年六月十五日到任

史十之 通直郎開慶元年四月初九日到任

朱穎達 迪功郎景定二年四月十五日到任

溧水縣廳壁記秣陵號江左重鎮中山為秣陵壯邑
置自隋開皇中閱令多矣國朝紹興已知荆南唐公
永夫始追紀前人名氏肇自皇祐壬辰凡四十一人
刻石龕壁褫昔貽後吳興劉公季高為文記之嘉定
庚辰歲杪余來領邑生晚才劣蚤夜飭厲媿未能仿
彿其前萬一顧瞻壁記衡廣從直嗣永夫者裁二十
四人而登載班班幾遍思之是雖欲因陋不可也迺
訪石他山命工重刻植于便廳左偏既廣既宥以俟

來者綽有餘地噫永夫刻石時距余領邑歲倭指恰
一甲子其更易豈有數乎季高為永夫記有曰前人
作此非徒然也欲知其是非賢否去取之耳余雖不
敏請事斯語且錄之以勉來者云越二載壬午四月
既望苔川史改之記

李叔軻

皇祐四年
四月到任

史良

至和二年
四月到任

詹彥光

嘉祐二年
四月到任

皇甫遼

嘉祐四年四月到任

張維

嘉祐六年四月到任

劉處約

治平元年三月到任

畢仲達

治平二年四月到任

關杞

熙寧二年四月到任三年正月除廣西常平

孫汲

熙寧三年四月到任

張綬

熙寧六年四月到任八年四月改差

傅傳正

熙寧八年八月到任

張諤 元豐元年十一月到任

周邠 元豐四年四月到任

張常 元豐六年九月到任

葛諷 元祐元年九月到任

孫廷臣 元祐五年十一月到任

周邦彥 元祐八年二月到任

何愈 紹聖三年三月到任

曹裕 元符二年七月到任

李淦

崇寧元年十一月到任

劉顯

崇寧二年十一月到任

江公明

崇寧三年二月到任

紀霖

大觀元年十一月到任

張華

大觀四年九月到任

蔣巖

政和三年八月到任

高舉

政和六年九月到任

鄒粵

宣和元年十一月到任

劉撫
宣和五年
四月到任

林彭年
宣和六年
二月到任

張知剛
靖康元年十
一月到任

高堯明
紹興元年十
二月到任

湯克忱
紹興四年
二月到任

徐端輔
紹興六年
九月到任

李朝正
紹興七年十一
月到任
紹興七年十一
月被召

章藉
紹興十年十二
月到任
紹興十年十二
月改差

胡慤 紹興十二年
二月到任

姚耆宗 紹興十五年
二月到任

朱搏 紹興十八年
十月到任

薛衮 紹興二十一年
十二月到任

李文開 紹興二十四年
十二月到任

蘇楷 紹興二十六年
五月到任

唐錫 紹興二十九年
二月到任

劉授之 紹興三十年
八月到任

李衡 隆興元年十月到任 乾道二年十月再任 乾道三年九月被召

陳嘉善 乾道四年三月到任 七年三月滿替

梁公永 乾道七年四月到任

程聞一 乾道九年正月到任

莊璋 淳熙二年正月到任

司馬僖 淳熙三年六月到任

強煥 淳熙五年七月到任

王衍 淳熙七年九月到任 十年十一月任滿

方仲忽 淳熙十年十一月到任
十四年二月任滿

李泳 淳熙十四年三月初六日到任

張諤 淳熙十五年四月十六日到任

吳友聞 淳熙十六年七月四日到任
紹熙三年七月九日任滿

趙善譽 紹熙三年七月九日到任
慶元元年七月任滿

陳楠 慶元元年七月到任
三年九月任滿

趙希琦 慶元三年九月到任

張攀 嘉泰元年二月初二日到任
嘉泰四年二月初一日任滿

蔡康

嘉泰四年六月初二日到任

張詳

開禧三年二月二十三日到任
嘉定三年十月十五日任滿

湯詵

嘉定三年十月十六日到任
六年六月十二日任滿

俞遷

嘉定六年六月十三日到任
九年十二月十七日任滿

劉允武

嘉定九年十二月十八日到任

李知新

嘉定十年十二月二十四日到任
十三年十二月二十七日任滿

史改之

嘉定十三年十二月二十八日到任
十五年十月十七日准省劄除評事

汪仁榮

嘉定十六年三月初九日到任

陳洽

嘉定十七年四月二十八日到任
寶慶元年十一月二十六日通理滿

向立

寶慶元年十二月初七日到任

黃普

寶慶三年三月二十四日到任
紹定元年七月初二日通理滿

史彌鞏

紹定元年十月到任
四年十二月滿替

衛社

紹定四年十二月二十七日到任
緣兩通判皆親族准部符成資解任

顏儼

端平元年四月十八日到任
二年四月九日磨勘轉承議郎三年四月十七日二考成資

避親解任續准省
劉改差准東制機

辛延

端平三年七月內到任
至嘉熙元年十月內准省劉改差安邊所幹辦公事

王儔

嘉熙元年十二月十三日到任三年七月內
磨勘轉奉議郎四年閏十二月初八日准省

劉改差主管臨安
府城南左廂公事

李以申

淳祐元年正月
十八日到任

張梗

淳祐三年七月
二十日到任

趙崇乘

淳祐四年六月初四日到任淳祐五年二
月磨勘轉奉議郎淳祐七年六月二十七

日任
滿

劉棻

淳祐七年六月二十七日到任八年八月因
磨勘轉奉議郎九年七月初十日改賜緋魚

袋十年六月二
十三日滿替

趙希崗

淳祐十年八月二十四日到任十一年六月磨勘轉承議郎寶祐元年九月二十三

日滿替

喬進孫

寶祐元年九月二十四日到任當年十月磨勘轉通直郎四年十月二十五日滿替

十月二十六日准省劄特差通判無為軍填見闕

湯卿月

寶祐四年十月二十八日到任六年十二月內因磨勘轉奉議郎開慶元年十月二

十九日滿替

朱南杰

開慶元年十一月初一日到任景定元年六月就任改辟清流知縣

潘歸之

景定元年六月十八日到任

溧陽縣題名瀨陽本秦置縣計版溢二萬戶提封跨
三百里久隸建康邑去所隸越數舍而遙僻處孤絕
四介湖山有狡悍之舊俗號稱難治宋德神靈化南
漸江表民陶沐之久又得端良繼為之尹摩之以道
柔之以正今俗乃恂恂而厚家有令子弟起趨學序
庭訟益稀田萊日闢秀髦之樂善者有矣非前後勤
教馴變之由然耶于能藐無術業燭理多昧涖官且
將再朞遂享安簡之名逃曠謫之咎則庇前良之德

隆矣想見其人視已成事思章章厥名以昭示後呼
訪舊吏第而牒之得自開寶李氏歸朝以後距于今
為邑者蓋二十八焉題名于右若曰政之仁鄙操之
清濁質諸吾民不誣也夫暇置議哉慶曆五年五月
日大理評事杜于能序 平陵隸建康為鉅邑疆里
之廣僻版籍之繁庶風化之厚薄吏民之淑慝則前
序述之詳矣歲在癸卯宮舍周侯宰政之二年治成
閒暇幾及瓜代因語僚佐以謂杜公始議題名書而

揭之第恐久而漫滅無以傳示于後遂命勒於貞珉
置之廳廡以告來者繼而刻之噫吾民之心去而思
者有之矣思而不得見想慕遺迹猶有存者其思可
得而忘耶是亦長民傳永之深意者歟嘉祐八年九
月日將仕郎試秘書省校書郎守縣尉楊照後序朝
散郎守太子中舍知縣事賜緋魚袋周景純立石
題名之設所以記往傳後是邑有焉創于杜令而周
令繼之然舊石歲久且壞今邑宰按圖考迹得二十

年來舊政爵里姓名別勒之石以續二公初志云紹興戊寅七月望右從事郎主簿黃湛記右通直郎知縣事呂文中重立石 溧陽之為邑其建立因革則具于圖籍其土俗政理則見于舊記此不復述子適竊怪邑令之闕揭于尚書左選者動經年歲莫之顧咸曰彼浙之陽興號為最難且繁矣然規制尚在小施敏手則可立治故人之憚之也輕若斯邑之難故當出天下劇邑上而又弊凋匱竭綱紀盡弛是惡可

復為子適不度德量力慨然自奮曰天下寧有不可為之邑于是甘心取人之所弃扁舟獨先俛首就職親黨莫不笑罵之至之日如敗舸壞屋了不可支於是嘗歷險阻含忍羞辱持守堅決具足頑頓閱歲有半始能除害去姦而百度漸以植立于是始有意于續題名之刻自李撫州而下得四人焉皆有功于是邑者乃叙其歲月而刻之子適誠妄庸獲贅名其後夫天下之最不材寧更有甚子適者乎子適且能措

其力如此使才而賢者臨之又當力省而功倍則溧陽之俗固醇厚而邑亦非難治矣釋天下之疑溧此邑之謗請自子適始嘉定十有三年十月甲子承事郎知建康府溧陽縣主管勸農公事山陰陸子適記并書

潘乾

後漢光和中

王舒

東晉初

阮裕

東晉時

阮崇

東晉末

褚球

齊時

蕭某

梁元帝時南史云蕭溧陽馬雖老猶駿

喬翔 唐開元十七年

鄭晏 李白時人

王時霖 大歷六年見
太虛觀鐘刻

柳均 見舊縣斷碑

季操 貞元中與
孟郊同時

李寂 朝議郎
開成二年

史寔 銀青光祿大夫
天祐三年

郭延沼 南唐昇元三年
銀青光祿大夫

王真規 朝議郎
保大十四年

李運 開寶中為令時
李氏歸朝之初

張宗敏 在任四年

董龜正 祕書丞

姜公綽 大理評事
在任三年

王保衡 在任四年

夏侯戩 淳化五年登仕
郎在任三年

李濬 祕書丞
在任三年

李拱

太常博士
在任三年

成悅

著作佐郎
在任三年

董術

秘書丞
在任三年

宋武

試校書郎
在任三年

蕭楚材

殿中丞
在任三年

李昭素

職方員外郎
在任三年

孔昭亮

秘書丞
在任二年

李昌震

在任二年

鄭南

登仕郎
校書郎
天聖二年

王簡

太常博士
在任二年

宋正已

蘇州觀察支使
在任六月

查詠之

大理寺丞
在任二年

蘇叟

在任三年

孟造

衛尉寺丞
在任五月

王夢臣

大理寺丞
在任一年半

竇簡

大理寺丞
在任三年

章資

大理寺丞
在任二年

蒲延熙

大理寺丞
康定二年四月到任
慶曆二年五月得替

馮旦

衛尉寺丞
慶曆二年十月到任
四年九月得替

蔣祕

著作佐郎
慶曆四年九月到任
五年五月得替

杜于能

大理評事
慶曆五年十月到任
八年四月得替

孫薰

衛尉寺丞
慶曆八年四月到任
皇祐二年二月得替

查宗閔

太子中舍
皇祐二年四月到任
四年十二月得替

章憐

祕書丞
皇祐四年十二月到任
至和二年十二月得替

真昂

朝奉郎守太子中舍至和二年十月到任嘉祐三年八月得替

豐有孚

太子中舍嘉祐三年十月到任六年十一月得替

周景純

太子中舍嘉祐六年十一月到任八年十月得替

吳君平

秘書丞

鍾離景圭

太子中舍

方仲謀

大理寺丞

雷豫

大理寺丞

高初

著作佐郎

羅彥輔

秘書丞

周伯玉

著作佐郎

葛嶺

宣德郎

郭瑒

奉議郎

項瞻

宣德郎

何康直 右宣德郎元祐二年三月到任

吳勉 右通直郎元祐五年四月到任八年十二月得替

張康孫 元祐八年十月到任

黃長彥 奉議郎紹聖四年三月到任元符三年四月得替

劉淮夫 奉議郎元符三年四月到任

李車 通直郎崇寧三年四月到任

龔弁 宣教郎

萬闡 通直郎大觀三年十月到任政和二年十月得替

鄭驥 承議郎政和二年十月到任六年十月得替

袁黻 通直郎在任一年五個月

曾諮 通直郎宣和元年四月到任五年七月得替

胡似之 通直郎宣和五年七月到任靖康元年八月得替

王崇 左奉議郎靖康元年八月到任十一月丁母憂

楊邦乂 左奉議郎靖康元年十一月到任建炎三年八月差通判建康府

沈崇 右宣義郎建炎三年九月到任紹興二年五月得替

趙公白 左奉議郎紹興二年五月到任四年七月得替

許嘉謀

右承事郎紹興四年七月到任

吳洵武

右宣義郎紹興六年二月到任十一月改監潭州南嶽廟

孫汝翼

左宣教郎紹興七年五月到任八年正月改主管台州崇道觀

何幾先

右修職郎紹興八年三月到任十年九月得替

李孝恭

右朝散大夫紹興十年九月到任十三年十月得替

王昇

右承議郎紹興十三年十月到任十四年十月避親罷任

韋能定

右承議郎紹興十五年四月到任九月避親罷任

施祐

右承事郎紹興十五年十一月到任十九年三月得替

馮迪德

右承議郎紹興十九年三月到任八月罷任

周淙

右通直郎紹興二十年十月到任二十二年六月改差江東撫幹

章鏐

右宣教郎紹興二十二年九月到任二十三年八月通理罷任

黃繹

左朝奉郎紹興二十三年十二月到任二十七年三月得替

呂文中

右通直郎紹興二十七年三月到任

蔣曄

右通直郎紹興二十九年九月到任三十一年十一月差提轄行在雜買務雜賞場

翁翊臣

左奉議郎紹興三十二年三月到任隆興元年四月差主管台州崇道觀

李鵬

右宣教郎隆興元年九月到任乾道元年八月罷任

陳蒼舒

右通直郎乾道元年十一月到任五年四月滿替

喻仲遷

右通直郎乾道五年四月到任八年正月丁母憂

趙利

右通直郎乾道八年四月到任淳熙元年八月滿替

劉珪

通直郎淳熙元年八月到任三年八月得替

周世修

通直郎淳熙三年八月到任五年九月滿替

高時

奉議郎淳熙五年九月到任八年十一月得替

沈綸

宣教郎淳熙八年十一月到任十一年十一月滿替

鄧埏

通直郎淳熙十一年十一月到任十三年七月罷任

周端

承議郎淳熙十三年八月到任十六年八月滿替

陳楠

宣教郎淳熙十六年八月到任紹熙二年四月得替

魏沖

承議郎紹熙二年四月到任五年四月滿替

李卞

朝散郎紹熙五年四月到任慶元三年四月得替

蘇石

奉議郎慶元三年四月到任四年六月罷任

方桷

通直郎慶元四年九月到任嘉泰元年十二月得替

趙贊夫

奉議郎嘉泰元年十二月到任四年得替

陳仲遠

承議郎嘉泰四年十一月到任嘉定元年正月得替

錢重

奉議郎嘉定元年正月到任

李大原

宣教郎嘉定二年五月到任五年七月滿替

王崇

通直郎嘉定五年七月到任八年七月滿替

施光

通直郎嘉定八年七月到任十年四月離任

褚孝錫

奉議郎嘉定十年五月到任是年冬奉祠

陸子通

承奉郎嘉定十一年正月到任十四年四月滿替

林演

宣教郎嘉定十四年四月到任十六年八月差主管臨安府城北右廂公事

徐子石

宣教郎嘉定十七年三月到任寶慶三年六月滿替

袁喬

宣教郎寶慶三年六月到任
紹定元年七月避親離任

章鑄

奉議郎紹定元年九月到任
三年十月離任

徐耜

宣教郎紹定四年三月到任
端平元年五月滿替

徐謂禮

通直郎端平元年五月三日到任
三年十月丁母憂

姚仍

奉議郎端平三年十月初十日到任
嘉熙三年五月在任不祿

章詵伯

宣義郎嘉熙三年七月十六日到任
四年九月離任

趙希準

通直郎嘉熙四年十二月十八日到任
淳祐二年六月祠祿

李仲鼇

通直郎淳祐二年九月十五日到任
三年五月差通判淮安州

施樞

從事郎淳祐三年六月九日到任六年三月離任

王湘

宣教郎淳祐六年閏四月到任九年四月滿替

汪之純

承事郎淳祐九年五月二十二日到任十一年告假

劉坎春

宣教郎淳祐十一年二月朔日到任寶祐二年二月二十二日滿替

趙希羔

王濤

景定建康志卷二十七

欽定四庫全書

史部

景定建康志卷二十九

詳校官監察御史臣沈孫璉

檢討臣德生覆勘

總校官檢討臣何思鈞

校對官中書臣張曾炳

騰錄監生臣陳燦

欽定四庫全書

景定建康志卷二十八

宋 周應合 撰

儒學志一

儒以道得民人不學不知道天地所以位萬物所以育
皆儒學之功用也六朝豈無學搃明有觀集雅有館北
郊崇儒西邸授經鹿苑書臺士林文室然皆無救於時
何也學未得其本也哉宋龍興聚奎發祥真儒輩出正
學大明河南程子得濂溪周子之傳上續孔孟之緒則

嘗仕于此南軒張子傳道五峯者也則嘗侍親于此西山真氏學宗濂洛者也則嘗持節于此先後儒宗壽脉斯文剖符持節奕奕相望所過者化遺風可挹橫經授業率多名勝故其士不止汲汲于科舉尤孳孳于講學固宜治教休明習俗淳厚一洗六朝之陋今廟學聿崇精舍偕闢興所教也學掾並設山長特命重所職也經籍富儲博所考也帑庾益增盛所養也先哲列祠起所慕也科目得人驗所用也故特書之作儒學志

諸郡乘學校無

特志唯判錄有學志今倣之
必儒學自為一志表所重也

前代學校興廢

晉建武元年十一月征南軍司戴邈上疏曰喪亂以來
庠序隳廢世道久喪禮俗日弊今王業肇建萬物權輿
謂宜篤道崇儒以勸風化元帝從之始立太學 江東
大饑詔百官各上封事益州刺史應詹上疏曰元康以
來賤經尚道以玄虛宏放為夷達以儒術清儉為鄙俗
宜崇獎儒官以新治化 太興三年皇太子釋奠于太

學 咸康三年國子祭酒袁瓌太常馮懷以江左寢安
請興學校帝從之立太學于秦淮水南廢丹陽郡城東
南徵集生徒而士夫習尚老莊儒術終不振 太元十

年尚書令謝石請復興國學于太廟之南 宋元嘉十

五年立儒學于北郊命雷次宗居之明年又命丹陽尹

何尚之立玄學著作郎何承天立史學司徒叅軍謝玄

立文學 宮苑記儒學在鍾山之麓時人呼為北學今

草堂是也玄學在雞籠山東今棲玄寺側史學文學並

在者閣寺側 二十年三月皇太子幼釋奠于國學顏

延年作釋奠詩

見詩類

二十七年罷國子學而其地猶

名故學

齊竟陵王子良開西邸延才俊遂命為士林

館

西邸在雞籠山

梁大同六年于臺城西立士林館延集學

者武帝初好儒術其後尊信佛法講譯內典而士林輕

矣 南唐書跨有江淮鳩集典墳特置學官濱秦淮開

國子監今鎮淮橋北御街東舊比較務即其地里俗呼

為國子監巷

本朝興崇府學

雍熙中有文宣王廟在府西北三里治城故基天聖七年丞相張公士遜出為太守奏徙廟于浮橋東北建府學給田十頃賜書一監景祐中陳公執中又徙于府治之東南即今學基建炎兵燬紹興九年葉公夢得更造學援西京例奏增置教官一員淳熙四年劉公拱重修慶元二年張公杓建閣以奉御書閣下為議道堂稍重釋奠禮儀儲典籍增既廩文風大振淳祐初年別公之

傑增修學宇六年趙公以夫即命教堂更名明德增造
兩廊以安從祀十年吳公淵列祠先賢增學廩創義莊
寶祐中馬公光祖興學校舉孝廉築周漢以來名賢祠
而贊之士氣興焉

葉夢得作府學記先王以武定天下必以文終之江
漢宣王南征之詩也言甲兵車馬之盛備矣末乃曰
矢其文德洽此四國治道豈不有本乎衛靈公問陳
子曰俎豆之事則嘗聞之矣軍旅之事未之學也子

豈以軍旅為不足學哉以為知所以為俎豆則軍旅無不可為雖曰我戰則克可也漢高帝悉定楚地獨魯不下引天下兵欲屠之魯中諸儒尚講誦習禮絃歌之音不輟遂不敢加而待其服大道之行固有不期然而然者孰謂魯諸儒而能折高帝推而上之舜舞干羽而有苗格謂之誕敷文德蓋理義之在人心莫不皆有苟未至於絕滅不幸喪失雖至於犯上作亂徐返其本亦必悔而知變善為治者可待之以變

而得所向不可期之以絕滅而終不返則文德其可
一日廢於天下乎學校固理義之所從出而斯文之
所先也建康領江左八州之地於東南為大都會異
時文獻甲于他方舊有學在州之巽隅更罹兵火城
郭鞠為丘墟獨學宮巋然僅存頽垣敗壁毀厭相藉
生徒奔散博士倚席不講紹興二年某始以安撫大
使分鎮時自淮以北裂為盜區蜂屯豕突鞞鼓相聞
蓋欲葺而未暇後七年大駕還錢塘詔以建康為留

都蒙恩復畀居守視事之明年輯寧荒殘流亡稍復
民益安業於是喟然曰可以有事於學矣乃命其屬
因舊址盡撤而新之起己未孟冬訖庚申仲春凡五
月為屋百二十有五間南向以面秦淮增斥講肄列
置齋廬高明爽塏固有加於前不侈不陋下及庖園
罔不畢具既又作小學於大門之東復命有司諏典
禮簿正祭器作新冕黼皆中程式覈其田之在屬邑
募民耕者千九百十五畝歲入其賦為米若豆與麥

五百四十斛有奇坊之得自酤者三區歲入其課為錢百八十萬有奇地之占府城得佃而居者八十有五所歲入其租為錢六百七十五萬有奇各為圖籍以時輸之凡廩給之費無有欺匿乃以上丁釋奠於先聖前期率郡執事齋於兩序諸生無不從視滌省牲惟謹夙興籩豆在列史告時至以次就位正笏垂紳珮玉鏗鏘降登伏興卒事無違禮成受釐齊爵于阼觀者數百人無不太息感動退而揖所與祭者而

告曰子衿之作鄭人所恥是不知在鄭何公然傳載
然明欲毀鄉校子產不可則當子產時鄉校蓋復存
是鄭之學未嘗終廢有子產則能興之焉四方用兵
踰十年學校之列于郡國者其亡與存我不敢知惟
天子以仁孝勤儉治天下克復大業願與中外休息
還之承平者蓋終食不忘也上帝監觀亦既歸我河
南之地兵革漸息惟宣王之德于茲將興吾邦號陪
都視定鼎邾鄆實為宗周是亦風化之首其復有學

自今始肉食者其可不推子產之為鄭以求先聖眷
眷俎豆之意相與先後輔成吾君之志布衣韋帶亦
必有宏達英偉之士拔于草萊接踵繼起由此而出
以共濟一世者子大夫尚勉之皆曰唯遂為記刻之
石後來者其有攷焉

大成殿在櫺星門北戟門內從祀位在兩廊舊禮器漆
繪竹木為之寶祐二年王公埜置新禮器尊壘勺爵簋
盞坫豆皆造以錫定陳器實饌儀為二圖春秋上丁釋

奠則舒于殿前以示執事

御書閣在明德堂後

默齋游公九言記有國有家者崇設學校將以教民
興行也民之生也分則君臣親則父子兄弟配則夫
婦責善則朋友是乃人心同然日用之常者而聖人
嚴之城池之守甲兵禁令之防非可少緩而聖人弗
恃何哉學校之事固不若威強制禦可以旦暮見效
然三綱明則姦宄知畏五教修則良心日生詩書之

澤蒙被生民而不知試使六經之言一日墜地名義
廢而不存天下事可勝言乎帝王之治始於徽五典
謹庠序民興行而朝廷尊秦燔六藝隳大倫而國隨
之漢唐以降嚮道雖不及古若仁義起兵綿絕制禮
與夫投戈講藝銳情經典厥祚亦昌末世賤學雖不
至秦然名存實亡格言弗用士氣傷而風節壞兆亂
皆一轍耳學校重輕用以卜人之國真著蔡也歟我
宋肇基務先文教慶厯初遂詔州縣皆建學而列聖

訓告尤備紹興中又以石經嘉惠士子三代之後未
有也建康學宮舊在西北隅景祐初元陳公執中徙
今地建炎蕩於兵戎紹興九年資政殿學士葉公夢
得復新之規模略備獨累朝御書緘藏夫子殿中嚴
奉猶闕慶元乙卯寶文閣學士尚書廣漢張公來鎮
扶善翦姦禮延多士教授王益祥陳與行因有請焉
大旨謂學校風化之源尊君人倫之首不有所表為
政者得無闕典建康江淮都會曾弗如偏障支壘猶

能寶儲列聖奎畫願有所尊以明示州人俾知國家
崇儒也諸生洪鉞裴叔度朱舜庸朱夢龍郭致一等
從其後尚書悚然改容顧歲饑方講荒政明年遂命
安撫司幹辦公事游九言協兩教授經始其事充其
司者使臣李榮董役徒陳欽核金穀吏羅演宋繼先
俞友仁行文書魏輔李鑑錄出納計工程者軍典王
永譏門者嚴惠卒九人典用物馮亮尉辛韓鄭耿三
旺也分役事薛進雷興斌旺二李也匠五等魏安正

繩墨精巧規制合度觀者贊焉朱義副之棟梁既具
梯雲行空運機牙而屋之者戴義也瓦甃卽立也織
葦折竹汪德也刻欄雕枅制木之小者王士寧也起
七月丙午畢季冬望閣左右舊挾洿池慮其久而淫
潤頽吾址焉最後齋諭嚴康時請躬視役夫運甓覆
簣以實之用人之力積二萬八千有奇訖事不鞭一
人蓋揭通衢示其直以招之非下諸邑逮追也用緡
錢八千碩米七百皆有奇焉閣高六丈三尺縱廣五

丈四尺橫廣視閣高之數加其三竒其尺如之下為
議道堂以待師生間燕游泳而講諭也役無半暮費
弗盈萬擇人而使之小大協心也教官復告於府黌
舍久且弊益祥與行之來也樽節濫浮得蘆場羨錢
八百緡米七十碩願附建閣葺之易命教堂腐撓四
之一門廡之易者十二公厨撤而更造閣東隅創較
藝膳錄舍九楹復可支歲月矣役甫罷尚書移鎮南
昌欲求當世大官紀述又明年九言益祥與行俱迫

代去諸生謂記文未立來者無攷先生其書之王廣
文以九言終始涖役屬筆焉九言曰較期會稽用度
職也對揚上賜所弗敢及俟記言之嘗觀孟子論無
恒產而有恒心者士也夫學也者雖以明人倫而倫
之所以明實自人心始國家設置師儒弗以吏道相
臨異時士子充貢論官又非止養其身榮其家也學
者亦知所以養其心乎人之心清明純粹初本至善
無纖毫之私也若養于厥初安有過失惟其稍長而

交於事物則誘而雜之愛欲之招忿戾之搖利害之奪心始不得其正焉心萌而事隨其害豈勝既耶是以明友之義參於五者之倫正欲開其邪以存其心日用致察而知己私之所從起此心既正達而行之則本忠孝崇事業以光明于時居而未出則雍容令德履蹈規矩以表勵于鄉黨國人豈非士君子之學歟是知士君子者實為四民風俗之倡而學校者又為一郡士子風俗之倡諸君久被教育必自知之九

言賤且細足跡幾徧江南每愛金陵土風質厚尚氣
前年攝行倅事日受訴牒不過百餘較劇郡纔十一
爾故為吏為兵者頗知自愛少健狡之風工商負販
亦罕聞巧偽二年三被州牒走村墟賑饑省旱澇視
城郭加撲魯焉若教化素明豈不易治慨念老矣行
歸山林因是役也相與周旋數月能無拳拳敢併書
於後當使金陵質厚之俗得所視倣以無負國家崇
儒之意是九言有望于此邦學士大夫之心也三年

丁巳季秋承直郎建安游九言題記

講堂即明德堂虛齋趙公以夫所更也

議道堂在御書閣下

正錄位在明德堂之左

直學位在東廊之首

諸職事位在明德堂之右

齋舍東序三齋曰守中曰進德曰說禮西序三齋曰常
德曰育材曰興賢又一齋曰由義在職事位之後

直舍二所在議道堂

新祭器庫在大成殿前東廊之南

舊祭器庫在御書閣之東偏

客位在西側門裏

公厨在東序後

學廩在西序後

義莊倉在議道堂後西偏

射圃在義莊倉之西有亭名繹志

修學記化民成俗之由學古矣而王制之興學乃在
於無曠土游民食節事時樂事勸功尊君親上之後
豈庶富而教三代之制度施置大略然耶人倫之不
明聖人不能一日以為治則學豈緩事也哉凡王制
之云云者皆所以為教必如是而後學可興教可成
不得以陵節而施之也建康學故在府之西北隅景
祐元年天章閣待制陳公執中重建茲地中厄兵燼
紹興九年左丞葉公夢得實新之距今裁四十年而

椽棟侈撓瓦飄壁摧殆無以尊聖祀宏教基者淳熙
二年今觀文殿學士建安劉公珙來鎮茲土謁奠之
始視學圯陋心拳拳焉時適以旱告公視飢由已惟
荒政是力既民被實惠若更生則凡所以教民者次
第修舉以春秋釋奠所以事先聖先師者率不終敬
公已事益虔必視徹乃退以明道先生實傳孔孟之
統而仁民愛物之政著於為上元簿時乃祠之學宮
以示尊尚民有與猶子訟至庭者公占辭自責剖晰

天理民至感以泣爭心兩絕由是家傳戶誦閭閻興
輯睦之風公一日詣學顧謂文學掾汝楫黼曰學宇
之弊若此葺其時乎乃捐公帑三百萬命知上元縣
薛裒董其役學亦傾積歲所儲得錢百三十餘萬以
佐費僦工市材易壁之圯腐而峻整之飾象之黜晦
而采章之堂廡齋廬廡倉庖福弊者修壞者創計以
堅久不為苟美寢處所須凡用嚴具以淳熙五年二
月戊寅始事四月晦日訖工公臨觀延見諸生因講

明為學之要而誨之以義利之說莫不感厲懷來絃
誦相屬乃卜日之吉躬率寮窠行釋菜禮且肅鄉老
而燕饗焉耆艾嘆嗟睹禮知古請伐石以紀不朽汝
揖等曰公為政三年于此而始修學豈諱勞惜費而
後始為之哉是公不在修學修其教也土木之工易
壞而金石之壽有紀國家敦崇學校過於漢唐所以
壽斯文之脉者養士力也上不得不以科第取士士
不當止以科第自期自士之溺意於進取而道學廢

自進取不在郡學而鄉校衰凡公之所以留意於此
邦拳拳焉而教之而新之而告之者既聞耳矣修其
身以善於其鄉修於鄉以善其國人則其傳也視土
木之工金石之壽寧有既耶若夫重違耆艾操筆紀
事則汝楫等職也敢辭淳熙五年六月甲子廸功郎
充建康府府學教授黃黼承議郎充建康府府學教
授章汝楫記從事郎監建康府戶部大軍庫門許及
之書

重修府學景定四年制使姚公希得差總管曹臻董其事將本學殿堂齋舍學門櫺星門倉屋等處并兩教官解舍並行修葺一新兼置動用等物總費錢四萬二千一百八十餘緡米六十四石九斗有奇

置教授

天聖建學置教授一員紹興九年因左丞葉公奏照西京例增置一員分東西廳東廳在學之左西廳在學之右其初東西題名合為一後析為二

東西廳總題名記學以明倫而建官以傳道而設厥
任豈輕也哉建業巨麗視上都多秀民異時冠倫魁
秉鈞樞者皆由是乎出分教于茲亦一時選舊止獨
員至紹興初石林葉公居守纔建議增置列解於學
之東西其西惟舊莫詳所始其東則自葉創而以盛
光祖始焉廳故無記前政沈元肖與同僚孫才弱實
講求之得三十有二人未暇刻而沈代汝楫乃後之
與才翁一見而契喜二廳可跬步日相從不虛有講

習樂不知官之冷也於是欲刻之石才翁老於文學
宜記乃以屬汝楫辭不可遂書庶繼今相與盡心於
斯道俾學者有所興起以追美於前聞人他日明秀
雋偉出而為名公卿則將推其教之所自顧豈不預
有榮耀是記豈特列名氏而已哉淳熙四年二月二
十二日宣城章汝楫記晉陵孫禹書開封趙善珏題

劉巨

錢壽朋

孫适

黃唐傑

葉萃

汪喬年

陶去泰

盛光祖

丁婁明

蔣汝功

邾次雲

李木

胡靖

蔡瑄

王賓

祝公達

李木

謝芷

以上歲月皆不可攷

周必大

修職郎紹興二十八年二月初二日到任三十年二月十四日除太學錄

戴達先

唐仲友

從事郎紹興三十一年十月十三日到任隆興二年正月初七日任滿

王信

迪功郎隆興二年四月二十八日到任

黃石

從事郎紹興二十九年四月初六日到任三十二年二月十四日任滿

曹寔

承議郎紹興三十二年三月二十九日到任隆興二年四月二十七日任滿

徐揚

承議郎隆興二年四月二十八日到任乾道二年四月二十七日任滿

何作哲

承議郎乾道二年四月初二日任滿

梅瑛

迪功郎乾道四年六月初三日到任

莫澄

從事郎乾道五年十月二十二日到任

朱佾

修職郎乾道六年十二月初二日任滿

孫高

迪功郎淳熙元年正月三日到任四年三月初二日就任關陞從事郎

王椿 文林郎淳熙十五年七月初三日到任紹熙元年四月遇覃恩循儒林郎二年八月二十

九日
任滿

陳震之 從政郎紹熙二年八月二十九日到任

王益祥 修職郎紹熙五年十月二十日到任慶元三年十一月三十日滿

余禹疇 從政郎慶元三年十一月三十日到任嘉泰元年正月二十八日滿

陳愴 從政郎嘉泰元年正月二十八日到任嘉泰四年四月二十六日滿

程璵 從政郎嘉泰四年四月二十六日到任

黃雲翼 迪功郎嘉定元年三月初九日到任於次年六月二十五日闕陞從政郎至嘉定四

年四月初一日任滿

蘇漢

迪功郎嘉定四年四月初二日到任

黃膚卿

迪功郎慶元三年十月十三日到任慶元六年十二月二十日滿

范擇能

從事郎慶元六年十二月二十日到任嘉泰三年十二月二十一日滿

田曉

從事郎嘉泰三年十二月二十一日到任開禧三年四月二十日年滿離任

黃勻

開禧三年四月二十日到任

馮特卿

從事郎嘉定三年七月十四日到任六年七月十六日書滿

黃民望

迪功郎嘉定六年十一月初十日到任七年三月十四日除太社令

朱方大

文林郎嘉定七年十月十六日到任至十年十月十八日年滿離任

繆師臯

迪功郎嘉定七年五月初四日到任至當年八月十四日離任

楊邁

從政郎嘉定七年十二月初十日離任至十年二月初十日離任

戴

闕從政郎嘉定十一年二月十二日到任至嘉定十四年二月十四日任滿

陳珏

修職郎嘉定十四年正月四日到任十七年正月四日滿

徐庭圭

宣義郎乾道二年二月初十日到任

李廷直

迪功郎乾道三年十一月二十日到任六年十二月任滿

薛珪

從事郎乾道六年十二月初十日任滿至九年八月初十日任滿

沈宗說

從政郎乾道九年八月十一日到任淳熙三年十一月初十日就任改宣教郎

章汝楫

承議郎淳熙三年十一月十日到任五年十二月二十三日任滿

胡紘

迪功郎淳熙五年十二月二十四日到任六年十月八日闕陞從事郎八年四月二日用

出疆賞備
文林郎

徐嘉言

從事郎淳熙九年二月十二日到任十二年二月二十二日任滿

林思聰

迪功郎淳熙十二年四月初五日到任十五年七月初二日任滿

黃黼

迪功郎淳熙四年四月初一日到任七年四月二十三日任滿

王誠之

從政郎淳熙七年四月二十四日到任

鮑義叔 從事郎淳熙七年十月十三日到任

王萊

從事郎淳熙八年十月初三日
到任十一年十一月十六日滿

鮑士良

迪功郎淳熙十一年十一月十六日
到任十五年二月二十五日任滿

朱士挺

從政郎淳熙十五年二月二十六日
到任紹熙二年二月二十六日離任

陳大應

從政郎紹熙二年五月二十四日到任

陳與行

迪功郎紹熙五年七月二十六日
到任慶元三年十月十三日滿

歐陽偉

從政郎嘉定十年十二月二十一日到任
至十三年十二月二十三日任滿

東廳續題名記金陵號留都之府學宮設兩教之員

自我高宗六飛南渡則已然矣題名有碑具紀其實
東西二廳合為一記由紹興初迄今未及百年而累
政之書充塞盈溢不容附麗於是得堅珉二分東西
而兩之各為之記以續前志曩自盛光祖而下至歐
陽偉凡屬於東者一十有八人今新碑之創始於嘉
定之癸未而珉也適當其次輒首書以紀歲月自為
而自書之雖陋不辭嗣是列銜而累書則以待于後
之人若夫締創之有端紀述之有人則已備見於前

志無庸贅叙時嘉定十有七年正月既望修職郎充
建康府府學教授三山陳珏記

陳珏

修職郎以嘉定十四年正月四日到任十七年正月四日滿

蔣裒然

承直郎嘉定十七年二月十六日到任寶慶三年二月十

潘忠恕

迪功郎寶慶三年五月十日到任至紹定二年正月十二日解罷

劉泳

從政郎紹定二年八月十三日到任五年八月十三日滿

歐陽方

承直郎紹定六年十月初三日到任端平三年五月三十日離任

孔聖義

承直郎端平三年十二月二十日到任嘉熙三年五月三十日外改知銅陵縣

沈輝

嘉熙三年九月初九日到任

方逢辰

淳祐二年四月二十八日到任
淳祐五年四月二十八日滿

吳必達

淳祐五年七月二十九日到任

蔣熊

淳祐七年十一月二十八日到任
淳祐十年十一月二十八日滿

李杞

淳祐十年十一月初八日到任
寶祐元年十月初八日丁母憂

葉維華

承直郎寶祐二年正月初一日到任
寶祐五年二月十八日任滿

陳煥武

寶祐五年二月到任

趙與种

開慶元年十一月十五日到任

西廳續題名記六經不作史法代興世謂漢辭類經
唐辭類史然辭學之盛莫盛有唐攷之當代人自為
家類皆春容嚴密雄眎千古繼是而降世教浸舛口
耳授受日談虛空以言語之錄而為經以課試之辭
而為史沉流沒溺莫能自脫往往理亂不聞臨事失
據不止腸枯思涸筆膏不流而已也抑嘗觀諸銓筦
尤有感焉縣令者百里之宅生也獄掾者千里之司
命也博士者一郡之統學也勝任與否懵不熟問一

吏倡呼如格即注今日以是取士他日以是教人由前而論則學者之敝由後而言則教者之責教明於上則人興於下故曰古之為師者由下而宗之後之為師者自上而擇之宗者以道擇者以官然守官則亦守道矣顧擇官易乎哉金陵陪京也典教重任也景溫由廟朝推擇而來研精教事縫掖歸心其為教也求之經以浚其源貫之史以沃其膏則胸中汪洋渾灑用世有餘奚有於辭章乎變秦淮之地為鄒魯

之鄉可必也顧予曷也嘗懷虛席之愧今亦一洗矣
獨此邦之幸哉且登名之石已滿復更植之使來者
有攷焉是又大易教思无窮之義也景温范氏名光
鄞江人其元嘉定其歲壬午月無射日甲子中奉大
夫權尚書吏部侍郎兼同修國史兼寶錄院同修撰
兼權中書舍人程琰記

范光

迪功郎嘉定十四年二月十六日
到任至十七年二月十六日滿

王漢章

從政郎嘉定十七年四月二十
八日到任寶慶三年五月滿替

許巨川

文林郎寶慶四年十二月初九日到任
紹定四年正月十一日滿

顏儼

承直郎紹定四年正月到任

計明龜

儒林郎紹定五年十月到任
端平二年正月赴班

陶熾

文林郎端平二年三月二十一日到任
嘉熙二年三月十三日滿

莫子文

從事郎嘉熙二年三月到任
淳祐改元四月赴班

趙若炳

從事郎淳祐元年七月二十四日到任
淳祐四年八月初四日滿替

胡太初

迪功郎淳祐四年八月初六日到任
六年十月二十三日離任

薛嶠

迪功郎淳祐六年十二月初六日到任
九年十二月初六日滿替

宋自強

從政郎淳祐九年十二月初六日到任寶祐元年三月十七日滿替赴班

趙熄夫

修職郎寶祐元年三月二十七日到任寶祐四年四月二十七日滿替

陳懋欽

迪功郎寶祐四年四月到任

劉應子

儒林郎寶祐六年六月初六日到任

置經籍

天聖中賜監書紹興初賜石經今不復全近時師儒收拾經子史集亦多未為大備閩府方求國子監書以惠多士云

增學計

天聖七年始建學朝廷給田十頃其後續有增撥至靖
康間增至三十八頃五十七畷房廊七十一間及酒坊
三處歲收錢一千八百二十四貫有奇至紹興二十八
年以秦申王所送錢一萬貫續置到田一千八百九十
畷其後本府又有增撥至於景定田地之所隸者具九
千三百八十畷一角六十步坊場之所隸者三歲入錢
二萬四千餘貫

銅井坊在江寧縣銀林坊鍾山坊皆在溧水縣

蘆場之所隸者

二歲入錢四千三百餘貫

白鷺洲一所計一十五頃三十八畝有奇水瓜洲一所計

六百畝有奇

通而計之歲入米三千八百八十餘石菽麥四

百石錢四萬一千餘貫柴薪絲麻之入不與焉會計有籍記載有碑皆掌於學提督錢糧則通判東廳之職也

立義莊

義莊創於淳祐辛亥退庵吳公守建康時也是年四月府有牒報學其略曰當使昨見四明府學有義莊一所每年收到租課凡簪纓之後及見在學行供破食職事

生員遇有吉凶於內支給贍助心甚慕之建康府士子
貧窶者多或遇吉凶多闕支用尤可憫念今用錢五十
萬貫回買到制司後湖田七千二百七十八畝三角二
十八步歲收四千三百餘石市斗米麥相半發下本學
置簿樁管如委的簪纓之後及見在學行供職事生員
或有吉凶請具狀經學保明申上給米八石麥七石米
每石折錢三十六貫麥每石折錢二十五貫本年發糶
田上舊租米麥解到價錢一十二萬餘貫發下提督府

學錢糧廳照應拘收自五月為始照規支給仍將後湖
莊田地畝步分明入籍自本年夏料為始徑自拘催將
所催租課於廣濟倉寄放椿頓本學養士錢米不相干
涉牒學照應施行仍示士子知悉府學回申八項一欲
就本學空閑地段置倉收椿米麥一欲就學庫旁令夾
截一庫收椿錢會一欲專及土著不及游學之人一欲
將到殿入學赴任人委係貧窶者照吉事例併與周給
一欲立凶禮支助之例惟祖父母父母自身親兄弟妻

子事故者當給不許以疎為親以無為有妄陳苟得一
欲請教授同正錄直學五員親到倉庫同收同支授又
親書交領置簿登載歲終有會一欲置租課總簿催銷
季終有會一欲將田畝籍冊及義莊始末並刻於石以
垂永久五月二十二日府牒並從申行至次年二月又
牒勘會本府昨置立義莊如委係簪纓之後及見在學
士著行供職事生員貧窶者或有吉凶從府學保明申
府給米八石麥七石米每石折錢三十六貫麥每石折

錢二十五貫則例雖已立定規模尚未為廣自今月二十六日為始如是他處游學士人見在本學行供或在
本府寓居雖非土著如有吉凶併與一例支給兼照得
人人申府亦恐煩瀆今專委西廳通判提督如遇有陳
乞之人即請本學契勘詣實保明具申提督廳支給牒
學遵照施行

義莊記昔文正范公自為西帥迄登二府慨以祿賜
所入置負郭膏腴千畝名曰義田以贍族黨錢君公

輔高其義而為之記嘗閱至此喟然歎曰夫義者充
一念而萬年可繼周一方而四海具瞻若濟以乘輿
給以釜粟君子不謂義也世之卿大夫士躡華途美
飲食日與族人相娛樂可也而光景自肥本枝皇卹
鮮有不屯其膏者念或到此則又力多乏絕况鄉里
乎至若位極鼎軸歸榮錦晝日與鄉人接殷勤宜也
而霄漢自尊胡越下視鮮有克貫其脉者粉陰梓里
欲一望羽儀且不可况天下乎惟留帥資相吳公則

不然公金陵人也以忠勤行六經以忠勤治天下建
牙未幾鼎新鄉校豐廩粟增膳錢可謂急先務矣若
猶未也每對僚屬必于四明義莊口之弗置廼命攸
司亟其經營以錢五十萬緡得後湖莊田地七千二
百七十八畝有奇米麥歲為斛四千三百餘碩歸之
學宮度其地得議道堂左闢屋三十楹目曰義莊凡
鄉邦簪纓之胄韋布者流嫁娶婚葬皆有給處而學
若籍賢闕第太常者出而仕若驅行李抵戍瓜者莫

不與焉其闕世教不輕矣屬文學掾泊前廊嚴其考
核而時其出入歲終則會之吉與凶例予以米若麥
厥碩一十有五惠至渥也州人士謹然歌曰燕竇恤
孤西門賑貧昔耳其名今身而親近舉而遠存有以
飽我公一念之仁與而麥舟瘞而枯骨昔凶而家今
幽而宅薄費而厚得有以銜我公至仁之德是仁者
義之推義者德之著也噫以范公好施止於親之貧
疎之賢者猶未暇他及今秦淮鍾阜大江南北四通

八達在在皆春比范公昔年義規益茂長而增之天下之蒙福未央也郡人若諸生踴躍批巖願有紀告來者自強濫巾璜泮職固宜矣服公厚義遂涉筆以書時淳祐十一年十一月既望從政郎差充建康府府學教授宋自強撰迪功郎差充建康府府學教授李杞書朝議大夫前主管成都府玉局觀沈先庚篆蓋

景定建康志卷二十八